



ქალაქ ზუგდიდის მუნიციპალიტეტის მერის

ბრძანება № 2054

„10“ აგვისტო 2016 წელი

ქ. ზუგდიდი

ქალაქ ზუგდიდის მუნიციპალიტეტის საკუთრებაში არსებული შ.პ.ს „საფეხბურთო კლუბი ზუგდიდი“-ს (ს/ნ 220370738) 51% წილის პირობებიანი ელექტრონული აუქციონის ფორმით პრივატიზებასთან დაკავშირებით გასატარებელ ღონისძიებათა შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „ე“ ქვეპუნქტის „ე.ე“ ქვეპუნქტის, 115-ე მუხლის, 118-ე მუხლის პირველი პუნქტის, 119-ე მუხლის, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილების და „ქალაქ ზუგდიდის მუნიციპალიტეტის საკუთრებაში არსებული ქონების საპრივატიზაციო წესის და ქალაქ ზუგდიდის მუნიციპალიტეტის ქონების პრივატიზაციის გეგმის დამტკიცების თაობაზე“ ქალაქ ზუგდიდის მუნიციპალიტეტის საკრებულოს 2015 წლის 20 მაისის №85 განკარგულებაში ცვლილებების შეტანის შესახებ ქალაქ ზუგდიდის მუნიციპალიტეტის საკრებულოს 2016 წლის 05 აგვისტოს №65 განკარგულების შესაბამისად,

ვ ბ რ ძ ა ნ ე ბ:

1. გამოცხადდეს პირობებიანი ელექტრონული აუქციონი ქალაქ ზუგდიდის მუნიციპალიტეტის საკუთრებაში არსებული შ.პ.ს „საფეხბურთო კლუბი ზუგდიდი“-ს (ს/ნ 220370738) 51% წილზე.
2. ქალაქ ზუგდიდის მუნიციპალიტეტის საკუთრებაში არსებული 51% წილის პრივატიზებას საწყისი საპრივატიზებო საფასური განისაზღვროს „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილებით დამტკიცებული წესების 37-ე მუხლის შესაბამისად;
3. დამტკიცდეს საპრივატიზებო 51% წილის საწყისი საპრივატიზებო საფასური (აუდიტორული დასკვნა N02/950; 03.08.2016) „ბე“ და ბიჯი, კერძოდ:

ქალაქ ზუგდიდის მუნიციპალიტეტის საკუთრებაში არსებული შ.პ.ს „საფეხბურთო კლუბი ზუგდიდი“-ს (ს/ნ 220370738) 51% წილის საწყისი საპრივატიზებო საფასური განისაზღვროს **9180** (ცხრა ათას ასოთხმოცი) ლარით; „ბე“ - განისაზღვროს 1850 (ცხრა ათას რვაასორმოცდაათი) ლარით; **ბიჯი** - განისაზღვროს **300** (სამასი) ლარით;



4. განსაზღვროს საპრივატიზებო წილის პირობებიანი ელექტრონული აუქციონის დაწყების და დასრულების დრო და თარიღი, კერძოდ: 2016 წლის 11 აგვისტოს 16 საათიდან 2016 წლის 17 აგვისტოს 16 საათამდე.

5. „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილებით დამტკიცებული წესების მე-11 მუხლის მე-3 პუნქტის თანახმად ელექტრონულ აუქციონში გამარჯვებულ პირს ბე/უპირობო და გამოუხმობი საბანკო გარანტია ეთვლება საბოლოო ანგარიშსწორებისას.

6. მუნიციპალიტეტის საკუთრებაში არსებული წილის შემძენი შეიძლება იყოს ფიზიკური პირი ან იურიდიული პირი ან ასეთ პირთა გაერთიანება, რომლის ქონებაშიც მუნიციპალიტეტის ან საქართველოს სახელმწიფო ხელისუფლების ორგანოს მონაწილეობის წილი 25 პროცენტზე ნაკლებია.

7. ელექტრონულ აუქციონში გამარჯვების დამადასტურებელი ოქმის საფუძველზე 15 (თხუთმეტი) კალენდარული დღის ვადაში ფორმდება ქალაქ ზუგდიდის მუნიციპალიტეტის საკუთრებაში არსებული შ.პ.ს „საფეხურთო კლუბი ზუგდიდი“-ს (ს/ნ 220370738) 51% წილის მმართველსა და ქალაქ ზუგდიდის მუნიციპალიტეტის ქონების შემძენს შორის წერილობითი ნასყიდობის ხელშეკრულება.

8. ელექტრონულ აუქციონში გამარჯვებული პირი ვალდებულია ნასყიდობის ხელშეკრულების გაფორმებიდან 15 (თხუთმეტი) კალენდარული დღის ვადაში გადაიხადოს შეძენილი წილის სრული ღირებულება.

9. ელექტრონული აუქციონის შედეგები უქმდება და ელექტრონულ აუქციონში გამარჯვებულის მიერ წარდგენილი/გადახდილი უპირობო და გამოუხმობი საბანკო გარანტია/ბე სრულად ირიცხება ქალაქ ზუგდიდის მუნიციპალიტეტის ბიუჯეტში, თუ:

1. ელექტრონულ აუქციონში გამარჯვებულმა ნასყიდობის ხელშეკრულების ხელმოწერაზე უარი განაცხადა.

2. ელექტრონულ აუქციონში გამარჯვებულმა, აუქციონატორის მიერ განსაზღვრულ ვადაში სრულად არ გადაიხადა შეძენილი წილის სრული ღირებულება.

10. ფეხბურთის განვითარებისა და ხელშეწყობის მიზნით ელექტრონული აუქციონის პირობებად განსაზღვროს:

ა) 51% წილის ნასყიდობის ხელშეკრულების გაფორმებიდან 2016 წლის ბოლომდე 100 000 (ასი ათასი) აშშ დოლარის ექვივალენტი ეროვნულ ვალუტაში (ლარი) ინვესტიციის განხორციელება.

ბ) 2017 წლის 01 იანვრიდან 2020 წლის ბოლომდე (ყოველწლიურად) 300 000 (სამასი ათასი) აშშ დოლარის ექვივალენტი ეროვნულ ვალუტაში (ლარი) ინვესტიციის განხორციელება.

გ) ინვესტიცია უნდა განხორციელდეს შემდეგი სქემით:

გ.ა) 50% - ხელფასი;

გ.ბ) 20% - ბავშვთა და ქალთა ფეხბურთი;

გ.გ) 30% - ინფრასტრუქტურის განვითარება და სხვა საფეხბურთო ღონისძიებები;

დ) საპრივატიზაციო პირობა არ ჩაითვლება სსიპ ქართული ფეხბურთის განვითარების ფონდის მიერ კლუბების ფინანსური სტიმულირებით განსაზღვრული პროგრამის შესრულებად.

11. თანხა ელექტრონულ აუქციონში მონაწილე პირებმა უნდა გადაიხადონ შემდეგ რეკვიზიტებზე: სახელმწიფო ბიუჯეტის ცენტრალიზებული შემოსულობები, ხაზინის ერთიანი ანგარიში №GE24NB0330100200165022; ბანკი: სახელმწიფო ხაზინა, ბანკის კოდი №TRESGE22, საბანკო შემოსავლების სახაზინო კოდი - №300813413 (შემოსულობა აქციებიდან და სხვა კაპიტალიდან).

12. ელექტრონული აუქციონის ჩატარება უზრუნველყოს სსიპ-საქართველოს ფინანსთა სამინისტროს მომსახურების სააგენტომ.



13. პირობებიანი ელექტრონული აუქციონის ფორმით საპრივატიზებო წილის შესახებ ინფორმაცია განთავსდეს სსიპ-საქართველოს ფინანსთა სამინისტროს მომსახურების სააგენტოს ვებგვერდზე www.eauction.ge.

14. პირობებიანი ელექტრონული აუქციონის ფორმით საპრივატიზებო წილის შესახებ ინფორმაციის სსიპ-საქართველოს ფინანსთა სამინისტროს მომსახურების სააგენტოს ვებგვერდზე www.eauction.ge-ზე განთავსება უზრუნველყოს ქალაქ ზუგდიდის მუნიციპალიტეტის მერიის ეკონომიკისა და ინფრასტრუქტურის განვითარების სამსახურმა.

15. ელექტრონულ აუქციონში გამარჯვებულის გამოვლენის კრიტერიუმად განისაზღვროს საპრივატიზებო წილზე ყველაზე მაღალი ფასის გადახდა და ელექტრონული აუქციონის პირობების დაკმაყოფილება.

16. ბრძანების შესრულებაზე კონტროლი განახორციელოს ქალაქ ზუგდიდის მუნიციპალიტეტის ვიცე მერმა გია გულორდავამ.

17. ბრძანება ძალაშია ხელმოწერისთანავე.

18. ბრძანება შეიძლება გასაჩივრდეს მისი კანონმდებლობით დადგენილი წესის შესაბამისად გაცნობიდან ერთი თვის ვადაში, ზუგდიდის რაიონულ სასამართლოში (მის. ქალაქი ზუგდიდი, გრიგოლ ქობაღიას ქუჩა №12).



ირაკლი გოგოხია
ქალაქ ზუგდიდის მუნიციპალიტეტის მერი